

Hierdie joernaal behoort aan:

---

IN JESUS  
IS JY  
vir kinders

VERSTAAN JOU IDENTITEIT  
IN CHRISTUS

*IN JESUS IS JY: VERSTAAN JOU IDENTITEIT IN CHRISTUS*

Kopiereg © 2021 deur Love God Greatly Bediening

Toestemming word verleen om hierdie dokument te druk en te herproduseer vir die doel om die *In Jesus is Jy: Verstaan Jou Identiteit in Christus* aanlyn Bybelstudie te voltooi. Moet asseblief nie hierdie dokument op enige manier verander nie. Alle regte voorbehou.

Gepubliseer in Dallas deur Love God Greatly.

---

## **‘n Woord aan Ouers**

Hierdie boek is die resultaat van ‘n begeerte om ‘n bygaande studie joernaal vir kinders te hê wat saam met die *In Jesus is Jy* joernaal vir volwassenes gebruik kan word.

Love God Greatly Afrikaans is toegewy om God se Woord beskikbaar te maak aan ons pragtige gemeenskap van vrouens... en nou het vrouens die geleentheid om God se Woord met hulle kinders te deel deur hierdie studie wat uniek ontwerp is vir jong harte.

---



# INHOUDSOPGAVE

<i>07</i>	INLEIDING
<i>08</i>	LEESPLAN
<i>11</i>	JOU DOELWITTE
<i>12</i>	WEEK 1
<i>28</i>	WEEK 2
<i>46</i>	WEEK 3
<i>62</i>	WEEK 4



# INLEIDING

## IN JESUS IS JY

### WAT IS JOU IDENTITEIT?

Identiteit is hoe 'n persoon of 'n ding beskryf word – òf hoe jy dit self òf hoe ander dit beskryf. Ons het elkeen 'n identiteit, een wat uniek is. Soms beskryf ons ons identiteit deur ons gesin, maats, dinge waarvan ons hou of nie hou nie, aktiwiteite of waar ons bly. Wat ons dink, sê en doen help alles om ons identiteit te beskryf. Partykeer kan dit nogal moeilik wees om te weet presies wat 'n mens se eie identiteit is.

As ons nie weet wat ons ware identiteit is nie, kan ons nie leef soos ons gemaak is om te lewe nie. In Jesus is ons identiteit seker en dit kan nie verander nie. Hy het na die wêreld toe gekom om ons van ons sondes te red, aan die kruis gesterf en weer lewendig geword, en die dood en sonde vir altyd oorwin. As gevolg van sy offer vir ons het ons 'n nuwe identiteit: ons is sy kinders.

As ons in Jesus glo en kies om Hom te volg, word ons nuut. Jesus het in ons plek die gevolge van ons sonde op Hom geneem, en daarom kan ons nou sonder skuld en skaamte leef. Hy het ons sonde weggeneem en ons nuut gemaak. Al ons sonde is vergewe en ons verhouding met God volmaak herstel. Ons is van die bose verlos en vir ewig veilig. Ons gaan vir ewig saam met Hom wees!

Dis dalk moeilik om te verstaan, veral omdat ons in 'n wêreld woon wat ons sy eie identiteit wil gee, maar ons identiteit in Christus verander nooit nie. Deur Christus, het God ons gekies om sy kinders te wees. Hy het ons van sonde verlos deur Christus se opoffering. Hy belowe om ons nooit te los nie. As ons God se kinders is, as ons gekies het om Jesus te volg, is ons vir altyd veilig.

Terwyl jy leer oor jou identiteit in Christus, vra God om vir jou te wys hoe lief Hy jou het. Vra Hom om vir jou te wys wie jy in Hom is, en vra Hom om jou te help om sy waarheid te glo. Kom ons leer saam oor wie ons in Jesus is.

# SOAP LEESPLAN

## WEEK 1

Maandag – Ek is 'n Nuwe Mens  
Lees: 2 Korintiërs 5:17; Kolossense 3:9–10  
SOAP: 2 Korintiërs 5:17

Dinsdag – Ek is Vergewe  
Lees: Efesiërs 1:7–8; 1 Johannes 1:9  
SOAP: Efesiërs 1:7

Woensdag – Ek is Geregverdig/Vrygespreek  
Lees: Romeine 5:1–2  
SOAP: Romeine 5:1–2

Donderdag – Ek is Bevry  
Lees: Psalm 107:1–3; Jesaja 43:1–3; Romeine 8:1–4  
SOAP: Jesaja 43:1

Vrydag – Ek is Beseël  
Lees: 2 Korintiërs 1:21–22  
SOAP: 2 Korintiërs 1:21–22

## WEEK 2

Maandag – Ek is Gered  
Lees: Johannes 3:16–17; Kolossense 1:11–14; Hebreërs 2:14–15  
SOAP: Kolossense 1:13

Dinsdag – Ek is Gered  
Lees: Romeine 5:8–10; Efesiërs 2:1–5  
SOAP: Efesiërs 2:4–5

Woensdag – Ek is Vry  
Lees: Johannes 8:36; 2 Korintiërs 3:17  
SOAP: Johannes 8:36

Donderdag – Ek is Geliefd  
Lees: 1 Johannes 4:10–19; Romeine 8:35–39  
SOAP: 1 Johannes 4:10

Vrydag – Ek is Ontvang  
Lees: Romeine 15:7–9  
SOAP: Romeine 15:7



### **WEEK 3**

Maandag – Ek is Aangeneem

Lees: Efesiërs 1:5–6; Kolossense 1:12–13

SOAP: Efesiërs 1:5

Dinsdag – Ek is ‘n Kind van God

Lees: Johannes 1:12; 1 Johannes 3:1–2

SOAP: Johannes 1:12

Woensdag – Ek is Uitverkies

Lees: Efesiërs 1:4; 1 Petrus 2:9

SOAP: 1 Petrus 2:9

Donderdag – Ek is ‘n Burger van die Hemel

Lees: Efesiërs 2:19; Filippense 3:20

SOAP: Filippense 3:20

Vrydag – Ek Word Deur God Geken

Lees: Psalm 139:1–3; 1 Korintiërs 8:3

SOAP: Psalm 139:1

### **WEEK 4**

Maandag – Ek is Doelbewus Gemaak

Lees: Psalm 139:13–18

SOAP: Psalm 139:13–14

Dinsdag – Ek is Geseënd

Lees: Numeri 6:24–26; 2 Korintiërs 9:8–10; Efesiërs 1:3

SOAP: Efesiërs 1:3

Woensdag – Ek is Toegerus

Lees: Efesiërs 2:10; 2 Timoteus 3:16–17

SOAP: Efesiërs 2:10

Donderdag – Ek is Bekragtig

Lees: 1 Korintiërs 12:4–11; 2 Korintiërs 12:9; Filippense 4:13

SOAP: Filippense 4:13

Vrydag – Ek is ‘n Oorwinnaar

Lees: 1 Johannes 4:4

SOAP: 1 Johannes 4:4



# JOU DOELWITTE

1. Ons glo dat dit belangrik is om doelwitte neer te skryf vir hierdie studie. Neem nou tyd en skryf drie doelwitte neer waarop jy wil fokus soos jy elke dag opstaan en in God se Woord delf.

2. Maak seker dat jy terugverwys na hierdie doelwitte tydens die volgende paar weke, om jou te help om gefokus te bly. Jy kan dit doen!

3.

Handtekening:

Datum:

# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir jou familie te bid.

MAANDAG

DINSDAG

WOENSDAG

DONDERDAG

VRYDAG

## WEEK 1

Iemand wat aan Christus behoort, is 'n nuwe mens. Die oue is verby, die nuwe het gekom.

**2 Korintiërs 5:17**

---

# SKRIFGEDEELTES VIR WEEK 1

## MAANDAG

*2 Korintiërs 5:17*

Iemand wat aan Christus behoort, is 'n nuwe mens. Die oue is verby, die nuwe het gekom.

*Kolossense 3:9-10*

en moenie vir mekaar lieg nie. Julle het met die ou, die sondige mens en sy gewoontes gebreek 10 en leef nou die lewe van die nuwe mens, wat al hoe meer vernuwe word na die beeld van sy Skepper en tot die volle kennis van God.

## DINSDAG

*Efesiërs 1:7-8*

Deur die bloed van sy Seun is ons verlos en is ons oortredinge vergewe kragtens die ryke genade van God 8 wat Hy in al sy wysheid en insig so oorvloedig aan ons geskenk het.

*1 Johannes 1:9*

Maar as ons ons sondes bely – Hy is getrou en regverdig, Hy vergewe ons ons sondes en reinig ons van alle ongeregtigheid.

## WOENSDAG

*Romeine 5:1-2*

God het ons dan nou vrygespreek deurdat ons glo. Daarom is daar nou vrede tussen ons en God deur ons Here Jesus Christus. 2 Deur Hom het ons in die geloof ook die vrye toegang verkry tot hierdie genade waarin ons nou vasstaan. En ons verheug ons ook in die hoop om deel te hê aan die heerlikheid van God.

## DONDERDAG

*Psalms 107:1-3*

“Loof die Here, want Hy is goed,  
aan sy liefde is daar geen einde nie!”

2 So moet die mense sê

wat deur die Here bevry is,  
dié wat Hy uit hulle nood bevry het  
3 en uit baie lande versamel het,  
uit die ooste en die weste,  
die noorde en die suide.

*Jesaja 43:1-3*

Luister, so sê die Here  
wat jou geskep het, Jakob,  
wat jou gevorm het, Israel:  
Moenie bang wees nie, Ek verlos jou,  
Ek het jou op jou naam geroep,  
jy is Myne.  
2 As jy deur water moet gaan,  
is Ek by jou,  
deur riviere,  
hulle sal jou nie wegspoel nie;  
as jy deur vuur moet gaan,  
sal dit jou nie skroei nie,  
die vlamme sal jou nie brand nie,  
3 want Ek is die Here jou God,  
die Heilige van Israel, jou Redder.  
Ek gee Egipte as losprys vir jou,  
Kus en Seba in jou plek.

*Romeine 8:1-4*

Daar is dus nou geen veroordeling vir dié wat in Christus Jesus is nie. 2 Die wet van die Gees wat aan jou in Christus Jesus die lewe gee, het jou vrygemaak van die wet van sonde en dood. 3 Wat die wet nie by magte was om te doen nie, omdat dit weens ons sondige natuur te swak was, dit het God gedoen. Hy het met die sonde afgereken deur sy eie Seun in dieselfde gestalte as die sondige mens te stuur; so het Hy die sonde in die sondige bestaan van die mens veroordeel. 4 Nou kan ons aan die eise van die wet voldoen, óns wat ons lewe nie deur ons sondige natuur laat beheers nie, maar deur die Gees.

## VRYDAG

*2 Korintiërs 1:21-22*

God self het ons saam met julle op hierdie vaste grond gevestig: op Christus. God het ons vir Hom afgesonder, 22 ons as sy eiendom beseël en die Heilige Gees in ons harte gegee as waarborg van wat ons nog sal ontvang.

























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.



# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir jou land te bid.

MAANDAG

DINSDAG

WOENSDAG

DONDERDAG

VRYDAG

## WEEK 2

Maar God is ryk in barmhartigheid  
en het ons innig lief. Deur sy groot  
liefde het Hy ons wat dood was  
as gevolg van ons oortredings,  
saam met Christus lewend gemaak.  
Uit genade is julle gered!

**Efesiërs 2:4-5**

---

# SKRIFGEDEELTES VIR WEEK 2

## MAANDAG

*Johannes 3:16-17*

“God het die wêreld so liefgehad dat Hy sy enigste Seun gegee het, sodat dié wat in Hom glo, nie verlore sal gaan nie maar die ewige lewe sal hê. 17 God het nie sy Seun na die wêreld toe gestuur om die wêreld te veroordeel nie, maar sodat die wêreld deur Hom gered kan word.

*Kolossense 1:11-14*

Mag God deur sy wonderbare krag julle alle sterkte gee om in alle omstandighede geduldig te volhard. 12 Met blydskap moet julle die Vader dank wat julle geskik gemaak het om deel te hê aan die erfenis wat vir die gelowiges wag in die ryk van die lig. 13 Hy het ons uit die mag van die duisternis weggeruk en ons onder die heerskappy gestel van sy Seun wat Hy liefhet. 14 Deur die Seun het ons die verlossing verkry, die vergewing van ons sondes.

*Hebreërs 2:14-15*

Aangesien hierdie kinders mense van vlees en bloed is, het hy ook net soos hulle mens geword. Dit het Hy gedoen om deur sy dood dié een wat mag het oor die dood, dit is die duiwel, te vernietig 15 en om hulle wat uit vrees vir die dood hulle hele lewe lank in slawerny was, te bevry.

## DINSDAG

*Romeine 5:8-10*

Maar God bewys sy liefde vir ons juis hierin dat Christus vir ons gesterf het toe ons nog sondaars was. 9 Aangesien ons nou vrygespreek is op grond van sy versoeningsdood, staan dit soveel vaster dat ons deur Hom ook van die straf van God gered sal word. 10 Aangesien ons, toe ons nog vyande was, deur die dood van sy Seun met God versoen is, staan dit soveel vaster dat ons, nou dat ons versoen is, deur die lewe van sy Seun gered sal word.

*Efesiërs 2:1-5*

Julle was dood as gevolg van julle oortredings en sondes 2 wat voorheen julle lewenswyse gekenmerk het. Julle het gelewe soos hierdie sondige wêreld en julle laat lei deur die vors van die onsigbare magte, die gees wat daar nou aan die werk is in die mense wat aan God ongehoorsaam is. 3 So het ons trouens vroeër ook almal gelewe. Ons is deur ons sondige begeertes oorheers en het gedoen net waartoe ons luste ons gelei het en wat in ons gedagtes opgekom het. Vanweë ons sondige natuur sou ons net soos die ander mense deur God gestraf

moes word. 4 Maar God is ryk in barmhartigheid en het ons innig lief. 5 Deur sy groot liefde het Hy ons wat dood was as gevolg van ons oortredings, saam met Christus lewend gemaak. Uit genade is julle gered!

## WOENSDAG

*Johannes 8:36*

Eers as die Seun julle vry maak, sal julle werklik vry wees.

*2 Korintiërs 3:17*

“Die Here” beteken hier “die Gees”, en waar die Gees van die Here is, is daar vryheid.

## DONDERDAG

*1 Johannes 4:10-19*

Werklike liefde is dít: nie die liefde wat ons vir God het nie, maar die liefde wat Hy aan ons bewys het deur sy Seun te stuur as versoening vir ons sondes.

11 Geliefdes, as dit is hoe God sy liefde aan ons bewys het, behoort ons mekaar ook lief te hê. 12 Niemand het God nog ooit gesien nie, maar as ons mekaar liefhet, bly God in ons en het sy liefde in ons sy doel volkome bereik. 13 Hiëraan weet ons dat ons in Hom bly en Hy in ons: Hy het ons sy Gees gegee. 14 En ons het gesien en is getuie daarvan dat die Vader die Seun as Redder van die wêreld gestuur het.

15 Wie bely dat Jesus die Seun van God is – God bly in hom en hy in God. 16 En ons ken die liefde wat God vir ons het, en ons glo daarin. God is liefde; wie in die liefde bly, bly in God en God bly in hom. 17 Hiërin het die liefde sy doel volkome met ons bereik: ons het niks te vrees vir die oordeelsdag nie, want in hierdie wêreld lewe ons reeds deur die liefde net soos Jesus. 18 Waar liefde is, is daar geen vrees nie, maar volmaakte liefde verdryf vrees, want vrees verwag straf, en wie nog vrees, het nie volmaakte liefde nie. 19 Ons het lief omdat God ons eerste liefgehad het.

*Romeine 8:35-39*

Wie kan ons van die liefde van Christus skei? Lyding of benoudheid of vervolging, honger of naaktheid, gevaar of swaard? 36 Daar staan immers geskrywe: “Dit is oor U dat die dood ons dag vir dag bedreig, dat ons soos slagskape behandel word.” 37 Maar in al hierdie dinge is ons meer as oorwinnaars deur Hom wat vir ons liefhet. 38 Hiervan is ek oortuig: geen dood of lewe of engele of magte of teenswoordige of toekomstige dinge of kragte 39 of hoogte of diepte of enigiets anders in die skepping kan ons van die liefde van God skei nie, die liefde wat daar is in Christus Jesus ons Here.

## VRYDAG

*Romeine 15:7-9*

Aanvaar mekaar dan, soos Christus julle ook aanvaar het, tot eer van God. 8 Ek bedoel dít: Christus het gekom om in belang van die Jode 'n dienaar te word; Hy moes vir hulle die waarheid van God bevestig deur die beloftes wat die voorvaders ontvang het, waar te maak. 9 Hy het ook gekom sodat die ander nasies God oor sy ontferming sou verheerlik, soos daar geskrywe staan: “Daarom sal ek U loof voor die nasies, en tot eer van u Naam sal ek 'n lofpsalm sing.”



























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.



# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir jou vriende te bid.

MAANDAG

DINSDAG

WOENSDAG

DONDERDAG

VRYDAG

## WEEK 3

*Maar ons is burgers van die  
hemel, van waar af ons ook  
die Here Jesus Christus  
as Verlosser verwag.*

**Filippense 3:20**

---

# SKRIFGEDEELTES VIR WEEK 3

## MAANDAG

*Efesiërs 1:5-6*

In sy liefde het Hy ons, volgens sy genadige beskikking, toe ook al daarvoor bestem om deur Jesus Christus sy kinders te wees. 6 Daarom moet ons God prys vir sy wonderlike genade wat Hy in die Geliefde vrylik aan ons geskenk het.

*Kolossense 1:12-13*

Met blydskap moet julle die Vader dank wat julle geskik gemaak het om deel te hê aan die erfenis wat vir die gelowiges wag in die ryk van die lig. 13 Hy het ons uit die mag van die duisternis weggeruk en ons onder die heerskappy gestel van sy Seun wat Hy liefhet. 14 Deur die Seun het ons die verlossing verkry, die vergewing van ons sondes.

## DINSDAG

*Johannes 1:12*

Maar aan almal wat Hom aangeneem het, dié wat in Hom glo, het Hy die reg gegee om kinders van God te word.

*1 Johannes 3:1-2*

Kyk watter groot liefde die Vader aan ons bewys het: Hy noem ons kinders van God, en ons is dit ook. En die wêreld ken ons nie, omdat dit Hom nie ken nie. 2 Geliefdes, ons is nou reeds kinders van God. Dit is nog nie geopenbaar wat ons sal wees nie, maar ons weet dat, wanneer Jesus kom, ons soos Hy sal wees. Ons sal Hom sien soos Hy werklik is.

## WOENSDAG

*Efesiërs 1:4*

So het Hy, nog voordat die wêreld geskep is, ons in Christus uitverkies om heilig en onberispelik voor Hom te wees.

*1 Petrus 2:9*

Julle, daarenteen, is 'n uitverkore volk, 'n koninklike priesterdom, 'n nasie wat vir God afgesonder is, die eiendomsvolk van God, die volk wat die verlossingsdade moet verkondig van Hom wat julle uit die duisternis geroep het na sy wonderbare lig.



## DONDERDAG

*Efesiërs 2:19*

Julle is dus nie meer ver van God af nie, nie bywoners nie, maar medeburgers van die gelowiges en lede van die huisgesin van God.

*Filippense 3:20*

Maar ons is burgers van die hemel, van waar af ons ook die Here Jesus Christus as Verlosser verwag.

## VRYDAG

*Psalm 139:1-3*

vir die koorleier. Van Dawid. 'n Psalm.

Here, U sien dwarsdeur my,

U ken my.

2 Of ek sit en of ek opstaan, U weet dit,

U ken my gedagtes

nog voordat hulle by my opkom.

3 Of ek reis en of ek oorbly,

U bepaal dit,

U is met al my paaie goed bekend.

*1 Korintiërs 8:3*

Maar as iemand God liefhet, ken God hom.























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.



# GEBED

SKRYF JOU GEBEDSVERSOEKE EN  
LOFPRYSINGS VIR ELKE DAG NEER.

Gebedsfokus vir hierdie week:  
Spandeer tyd om vir jou kerk te bid.

MAANDAG

DINSDAG

WOENSDAG

DONDERDAG

VRYDAG

## WEEK 4

Julle behoort aan God, liewe kinders, en het vals profete klaar oorwin omdat Hy wat in julle is, groter is as die duiwel, wat in die wêreld is.

**1 Johannes 4:4**

---

# SKRIFGEDEELTES VIR WEEK 4

## MAANDAG

*Psalm 139:13-18*

13 U het my gevorm,  
my aanmekaargeweef  
in die skoot van my moeder.  
14 Ek wil U loof,  
want U het my  
op 'n wonderbaarlike wyse geskep.  
Wat U gedoen het,  
vervul my met verwondering.  
Dit weet ek seker:  
15 geen been van my was vir U verborge  
toe ek gevorm is  
waar niemand dit kon sien nie,  
toe ek aanmekaargeweef is  
diep in die moederskoot.  
16 U het my al gesien  
toe ek nog ongebore was,  
al my lewensdae was in u boek  
opgeskrywe  
nog voordat ek gebore is.  
17 Hoe wonderlik is u gedagtes vir my, o God,  
hoe magtig hulle almal!  
18 As ek hulle sou wou opnoem –  
hulle is meer as wat daar sand is,  
en as ek daarmee klaar is,  
sou ek nog steeds met U te doen hê.

## DINSDAG

*Numeri 6:24-26*

24 “Die Here sal julle seën  
en julle beskerm;  
25 die Here sal tot julle redding verskyn  
en julle genadig wees;  
26 die Here sal julle gebede verhoor  
en aan julle vrede gee!”



*2 Korintiërs 9:8-10*

En God is by magte om aan julle alles in oorvloed te skenk, sodat julle in alle opsigte altyd van alles genoeg kan hê en volop kan bydra vir elke goeie werk. 9 Daar staan ook geskrywe: “Hy deel uit en gee aan die armes; hy bly altyd vrygewig.”

10 God wat saad verskaf om te saai en brood om te eet, sal ook aan julle saad gee en dit laat groei en julle vrygewigheid ’n ryk oes laat oplewer.

*Efesiërs 1:3*

Aan God, die Vader van ons Here Jesus Christus, kom al die lof toe! Hy het ons in Christus geseën met al die seëninge van die Gees wat daar in die hemel is.

## WOENSDAG

*Efesiërs 2:10*

Nee, God het ons gemaak wat ons nou is: in Christus Jesus het Hy ons geskep om ons lewe te wy aan die goeie dade waarvoor Hy ons bestem het.

*2 Timoteus 3:16-17*

Die hele Skrif is deur God geïnspireer en het groot waarde om in die waarheid te onderrig, dwaling te bestry, verkeerdhede reg te stel en ’n regte lewenswyse te kweek, 17 sodat die man wat in diens van God staan, volkome voorberei en toegerus sal wees vir elke goeie werk.

## DONDERDAG

*1 Korintiërs 12:4-11*

Daar is ’n verskeidenheid van genadegawes, maar dit is dieselfde Gees wat dit gee; 5 daar is ’n verskeidenheid van bedieninge, maar dit is dieselfde Here wat die opdrag gee; 6 daar is ’n verskeidenheid van kragtige werkinge, maar dit is dieselfde God wat alles in almal tot stand bring. 7 Aan elkeen afsonderlik word ’n werking van die Gees gegee tot voordeel van almal. 8 Aan die een word deur die Gees die gawe gegee om ’n woord van wysheid te praat, aan ’n ander ’n woord van kennis deur dieselfde Gees; 9 aan die een geloof deur dieselfde Gees, aan ’n ander genadegawes van gesondmaking deur die één Gees. 10 Aan die een gee Hy die krag om wonders te doen, aan ’n ander die gawe om te profeteer, en aan nog ’n ander gawe om tussen die geeste te onderskei. Aan nog een gee Hy die gawe om ongewone tale of klanke te gebruik en aan ’n ander om dit uit te lê. 11 Maar al hierdie dinge is die werk van een en dieselfde Gees, wat aan elkeen afsonderlik ’n gawe uitdeel soos Hy wil.

*2 Korintiërs 12:9*

Sy antwoord was: “My genade is vir jou genoeg. My krag kom juis tot volle werking wanneer jy swak is.” Daarom sal ek baie liefier oor my swakhede roem, sodat die krag van Christus my beskutting kan wees.

*Filippense 4:13*

Ek is tot alles in staat deur Hom wat my krag gee.

## VRYPDAG

*1 Johannes 4:4*

Julle behoort aan God, lieue kinders, en het die vals profete klaar oorwin omdat Hy wat in julle is, groter is as die duiwel, wat in die wêreld is.

























HIERDIE WEEK  
HET EK GELEER...

GEBRUIK DIE SPASIE HIER ONDER OM 'N PRENTJIE  
TE TEKEN OF TE SKRYF OOR WAT JY HIERDIE WEEK  
GELEER HET UIT JOU TYD IN GOD SE WOORD.



